

Ponovo uhapšen maloljetnik koji je zapalio staricu

SARAJEVO - Opštinski sud u Sarajevu juče je zbog novog krivičnog djela odredio jednomjesečni pritvor maloljetnom R.H., kojem su nedavno izrečene vaspitne mjere za brutalno ubistvo starice Ljubice Đokić-Spasojević u Sarajevu, potvrđeno je u ovom sudu.

Kako saznajemo u policiji, R.H. je u utorak u sarajevskom naselju Alipašino polje usred bijela dana pokušao oteti torbu sugradanki s inicijalima R.T., a kada to nije uspio uraditi, otrgnuo joj je zlatni lančić s vrata.

Policija ga je uhapsila u srijedu i saslušan je u prisustvu majke. Šesnaestogodišnji R.H. je, kako su rekli u policiji, priznao da je počinio ovo krivično djelo, te je predat u nadležnost Kantonalnog tužilaštva.

R.H., inače državljanin Italije, te R.M. (15) iz Đakovice i O.J. (15) iz Peći pušteni su iz pritvora 30. aprila ove godine, nakon što im je sud izrekao mjeru pojačanog nadzora za ubistvo Đokić-Spasojevićeve. Oni su 20. januara ove godine polili benzinom 72-godišnju staricu i zapalili je ispred ulaza zgrade u kojoj je stanovala u sarajevskom naselju Hrasno. Usljed teških opekлина ona je nakon sedam dana preminula u bolnici.

Mjere pojačanog nadzora koje su im izrečene podrazumijevaju uspostavljanje kontakta predstavnika Centra za socijalni rad s maloljetnicima i njihovim porodicama.

A.S.

Nezavisne novine, 16.05.2008 god.